

Trib. 2. **TARAXACEÆ.** *Receptaculum* epaleatum. *Antheræ* basi bisetæ. *Pappus* plerumque persistens. *Involucrum* polyphyllum.

Genera. *Leontodon*, *Schreb.* *Apargia*, *Scop.* *Oporinia*.* *Thrinchia*, *Roth.* *Calliopea*.* *Æthonia*.* *Tolpis*, *Adans. Gærtn.* *Hedypnois*, *Schreb.* *Rhagadiolus*, *Gærtn.* *Hyoseris*, *Schreb.* *Zacintha*, *Gærtn.* *Troximon.* *Cynthia*.* *Picris*, *L.* *Helmintia*, *Juss.*

Trib. 3. **HYPOCHÆRIDEÆ.** *Receptaculum* paleis distinctis refertum. *Antheræ* basi bidentatæ. *Pappus* persistens. *Involucrum* polyphyllum.

Genera. *Hypochæris*, *Gærtn.* *Achyrophorus*, *Scop.* *Seriola*, *L.* *Agelora*.* *Soldevilla*, *Lag.*

Trib. 4. **LACTUCEÆ.** *Receptaculum* epaleatum. *Antheræ* basi bidentatæ. *Pappus* fugax, mollissimus, capillaceus.

Genera. *Lactuca*, *L.* *Chondrilla*, *L.* *Agathyrus*.* *Lygodesmia*.* *Atalanthus*.* *Sonchus.* *Barkhausia*, *Mench.*

Trib. 5. **SCORZONEREÆ.** *Receptaculum* epaleatum. *Antheræ* basi bisetæ, appendiculâ exiguâ reniformi! coronatæ. *Stigmata* sæpiùs filiformia, papillosa. *Involucrum* simplex v. imbricatum.

Genera. *Scorzonera*, *L.* *Picridium*, *Desf.* *Arnopogon*, *Willd.* *Tragopogon*, *L.* *Geropogon*, *L.*

Trib. 6. **CICHOREÆ.** *Receptaculum* paleatum. *Antheræ* basi bidentatæ, appendiculâ exiguâ marcescente coronatæ. *Stigmata* semicylindrica, papillosa. *Pappus* persistens, paleaceus. *Involucrum* polyphyllum, squarrosum.

Genera. *Cichorium*, *L.* *Scolymus*, *L.*

Trib. 7. **CATANANCHEÆ.** *Receptaculum* paleatum. *Filamenta* articulo superiore longo, tereti. *Antheræ* basi biauriculatæ, appendiculâ orbiculatâ coronatæ. *Stigmata* crassa, brevia, ligulata! obtusa, pruinosa. *Pappus* paleaceus. *Involucrum* scariosum.

Genus. *Catananche*, *L.*

TRIB. I.

1. **HIERACIUM.** *Involucrum* imbricatum. *Receptaculum* subfavosum. *Achenia* apice simplicia. *Pappi* radiis simplici ordine copiosis, persistentibus, setaceo-pilosis.

Herbæ polymorphæ, radice perenni. Flores lutei, solitarii v. corymbosi.
Hùc *Hieracia* ferè omnia auctorum.

2. **HAPALOSTEPHIUM.** *Involucrum* triplici ordine polyphyllum laxè imbricatum. *Receptaculum* scrobiculatum. *Achenia* ancipiti-compressa, lævia, apice attenuata: disco epigyno planiusculo, dilatato! *Pappi* radiis duplici ordine copiosissimis, capillaceis, mollissimis, caducis.

Herbæ (Europ. Amer. et Asiæ Bor.) perennes, pilosæ. Folia amplexicaulia, sinuato-dentata. Flores aurei, corymbosi. Involucrum sæpius hispidè pilosissimum. Pappus niveus!
Hùc *Hieracium pyrenaicum* *L.* (*Lepicaune multicaulis* *Lapeyr.*)

H. paludosum L. *Crepis Sibirica* L. *Hieracium macrophyllum* Pursh.

3. **CREPIS.** *Involucrum* simplici ordine polyphyllum, connivens, demùm torulosum, basi squamis plurimis accessoriis calyculatum. *Receptaculum* levitè favosum. *Flosculi* fauce nudà. *Achenia* fusiformia, sulcis plurimis notata, apice attenuata, simplicia. *Pappus* tenuissimè capillaceus, mollissimus, fugax : radiis triplici serie confertissimis.

Herbæ (Europææ) radice annua, caulescentes. Folia sæpius runcinata. Flores aurei.

Huc pertinent *Crepis biennis* L. *C. Dioscoridis* L. *C. tectorum* L. *C. foetida* L.

4. **PRENANTHES.** *Involucrum* pentaphyllum, tubulatum, basi squamis plurimis brevissimis imbricatis munitum. *Receptaculum* glabrum. *Flosculi* 5. *Stigmata* filiformia, hispidula. *Achenia* angusta, hinc convexa, lævia, indè carinata : disco epigyno concavo, parùm dilatato. *Pappus* capillaceus, mollissimus, fugax : radiis duplici ordine confertis.

Herba (Europæa) perennis, radice repenti. Folia integra, amplexicaulia, glaucescentia. Flores parvi, purpurei, diffuse paniculati. *Pappus* niveus.

Huc *Prenanthes purpurea* L.

5. **HARPALYCE.** *Involucrum* simplici ordine polyphyllum, cylindricum, basi squamis aliquot brevissimis adpressis instructum. *Receptaculum* levitè favosum. *Flosculi* indefiniti. *Stigmata* filiformia, hispidula. *Achenia* angusta, angulata, sulcata, apice simplicia. *Pappus* pilosus, rigens, fragilis, persistens, coloratus : radiis duplici ordine confertis, denticulato-scabris.

Herbæ (Amer. Bor.) perennes, robustæ. Folia sæpius petiolata, lobata. Flores paniculati, albi v. rosei. *Pappus* fulvus.

Ad hocce genus pertinent *Prenanthes alba* L. *P. altissima* L. *P. cordata* Pursh. *P. serpentaria* Pursh. *P. virgata* Mich. *P. simplex* Pursh. *P. crepidina* Mich. *P. racemosa* Mich.

Ligulæ in *H. virgata* 10-nerviæ, nervis secundariis manifestis!

6. **CHORISMA.** *Involucrum* 8-phyllum, basi squamis ovatis aliquot munitum : foliolis lanceolatis, margine scariosis, invicem se imbricatis. *Receptaculum* nudum. *Flosculi* plures (12). *Stigmata* filiformia, minutè papillosa. *Achenia* subfusiformia, compressa, sulcata, glabra, apice attenuata : disco epigyno dilatato, planiusculo. *Pappus* capillaris, mollissimus, fugax : radiis triplici ordine confertis, minutissimè denticulatis.

Herba (Ins. Curil. habitans) perennis, sarmentosa, humifusa, habitu peculiari. Caules filiformes, longissimi, repentes, ad articulos radices emittentes. Folia solitaria, remota, petiolata, ternata v. profunde tripartita ; segmentis lateralibus bilobis ; intermedio trilobato. Petioli sesqui v. tripollicares, canaliculati, dimidio inferiore subterraneo. Flores pro ratione plantæ magni, pallide cœrulei, subsolitarii, remoti, pedunculati. Pedunculi triunciales, uni- v. triflori. *Involucrum* levissimum, longitudine unguiculare.

Huc *Prenanthes repens* L.